

TE HEHEURAA API

I neia i te piha neneiraa a Henere, i Roto Miti i Utah, no te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoe.

Nu. 4

Eperera, 1915 .

Mat. 9

“Inaha, e maitai rahi tei te haapao i tei te tusia, e maitai rahi tei te faaroo i tei te tusia, e maitai rahi tei te faroo i tei te hoâhua mamoe oni ra.”—I Samuela 15:2-3.

TE MAU HOTURAA O TE FAAROO ORE.

Papaihia e Birigama Robeta.

“E tamaiti noâ iho hoi oia, i ite oia i te auraro i to'na ra mau pohe.”—Hebera 5:8.

O te hoê ia mea i hinaarohia i te mau tau atoa oia hoi ia tai'o i te mau papairaa mo'a e ia ite i te ohipa a te Fatu i te faatere i te a'oraa'tu i ta'na evanelia e ta'na ra mau tavini i te tau tahito ra. E ia ite i te i te mau ohiparaa a te Varua Maitai i taua ohipa rahi ra.

I oti ia Paulo raua Timoteo i te ati i Pherugia e te fenua ra Galatia “e tapeahia ihora ratou e te Varua Maitai, eiaha ratou e parau haere i te parau i Asia. Na Misia'tura ratou i te haere e tae atura i raro i Terao. Itea maira te hoê orama ia Paulo i te rui; ua tae maira te hoê taata no Makedonia, ua parau maira ia'na, na ô maira, E fano mai i Makedonia nei e tauturu mai ia matou. Ite a'era oia i taua orama ra, ua faaineine ihora matou i fano i Makedonia, i parau hoi

matou e, te parau maira te Fatu ia matou e haere e parau atu i te evanelia ia ratou.” Te Ohipa 16: 6-10.

Na teie ohipa maere i faaite papu ia Paulo ma i parauhia'i ratou e te Fatu e a'ô haere i te evanelia i Makedonia. Ua manuïa maitai ta ratou ohipa i taua fenua e e raverahi taata i faarirohia ei pipi, ua faatumuhia te ekalesia i Philipi e i Tesalonia e mai reira'tu ua tae te parau i Ateno.

Te haapii nei to te mau haapaoraa i parauhia Chrise-tiano e, e ua ore roa taua mau huru ohipa i teie nei anotau, e aita roa te Atua i faaaratai i ta'na mau tavini a'o haere i te evanelia mai ta'na i faaaratai ia Paulo ma i tahito ê ra.

Teie râ, na te Atua i faaho'i mai, i te tau hopea nei, i taua ihora Evanelia ta Paulo e te mau Aposetolo i a'o atu i to ratou ihora anotau, e ua faaho'i-atoa-hia mai taua ihora mana ra ei faaaratai i te mau tavini a te Atua i ta ratou ohipa.

Tei roto i te tautapaparaa parau a te Ekalesia nei e rave rahi te parau e huru au i te parau i faaitehia i nia nei no Paulo ma. E na te parau e faaitehia i raro nei e parau ia no te hoê mea maere i roohia'i i tei papai i teie nei parau.

“E huru maoro vau i te rave i te ohipa mitinare i te mataeinaa Franklin i Aiowa e te huru ia aita i manuïa maitai i ta'u ohipa e ua opanihia te mau fare pureraa ia'u, no reira ua opua ihora vau e haere atu i te tahi vahi ê, i te vahi e mauruuru ai te mau taata e faaroo e e farii hoe e te Evanelia. Ua uiui atu vau i te huru o te fenua e te mau oire i fatata mai e ua mana'o ihora vau e haere atu vau i te oire ra o Mason e e tamata i reira i te rave i te ohipa a to'u toroa.

Hou vau i reva'tu ua tauturuhia vau e te tahi mau hoa rii i te paeau moni e tia ia'u ia haere na te pereoo auahi, eiaha ia haere na raro noa mai te opuahia. Ua mana'o ihora vau ei tapao maitai te reira, oia hoi ia tauturuhia i to'u tere

e ua mana'o ihora vau te faaineine nei te Fatu i to'u haeraa. Mana'o ihora vau i te poipoi roa e reva'tu vau e ua ara vau i te aahiata roa; ua huru varea vau e ua tahuri u i nea i to'u roi ma te mana'o e e taoto rii â.

A tahuri ai au ei reira i mua ia'u te hoê taata i te tia noa ra, ua faatia oia i ta'na rima i nia ma te faatano atu i te pae hitia o te ra e ua na ô maira oia. "A haere oe i te oire Rockford." Tirara'tu ta'na parau e ua reva'tu ra. Ua tia vau i nia e ua ahū vau i te ahū, e ua ore haere ihora vau i te mahora e i te purumu hoi ma te feruri i nia i te mau mea ta'u i ite e i faaroo hoi, aita hoi vau i faaroo i te oire Rockford. Ua tapitapi roa vau no te mea i faaitehia na e haere vau i te oire Mason e aita vau i hinaaro ia huri i te mana'o, e aita atoa vau i hinaaro ia riro vau ei taata neva-neve i mua i te mau taata ra.

Ho'i a'era vau i te fare e ua faaineine te utuafare i te tamaa. Ui atura vau ia ratou i te oire Rockford e aita hoi ratou i ite i taua oire ra. Ei reira ua haere mai i roto i te fare te hoê taata apî, ei taata tauturu ohipa faapu, e ua uihia'tu matou ia'na taua oire ra e na'na i faaite mai ia matou e oire iti nebenehe e te ruperupe i te atea rii i te pae hitia a te râ.

Aita vau i parau noa'tu i te mau mea ta'u i ite e i faaroo, e ua haapao i ta'u opuaraa matamua, oia hoi ia haere i te oire ra Mason. Ua na reira vau e ua tae au i reira i te ahiahi e ua tapae au i te hoê fare tapaeraa taata. Ua imi ihora vau i te hoê fare e tia ia'u ia a'o i te evanelia. E hoê noa iho fare i iteahia e ua ani te fatu o taua fare ra e hoê ahuru dala i te pô hoê; aita hoi e ravea e roaa taua fare ra. I te mahana i muri iho ua tamata vau e roaa i te tahi fare haapiiraa e aita hoi i manuia. Ia po aita hoi e moni i toe mai maoti ra e navai ia ia aufau te taimē i to'u roi i te fare tapaeraa. A poipoi ai ua aufau vau i te reira e ua haere i rapae au i te oire i te mataeinaa, ei reira te hoê mau fare

nehenehe e te hoê fare haapiiraa tamarii. Ua imi au i te peresidene no te apooraa mataeinaa ia roaa i te parau faatia ia a'o i te evanelia i roto i taua fare ra. Ua farerei au ia'na i te avatea e ua faaite au ia'na i to'u tere. Ua na ô ihora ona ia'u "E orometua Moromona oe?" Pahono ihora vau, "E." E ua na ô maira oia "E rû oe i te haere atu mai roto atu i to'u fare e to'u fenua ei reira e mauruuru roa vau," ua na ô faahou mai oia, "Aihiri e orometua oe no te tahi atu haapaoraa, noa'tu i te haapaoraa, e mauruuru vau ia parahi oe e i tamaa hoi oe ia matou, aita râ vau i hinaaro ia oe na."

Ua na ô atu vau ia'na, "E, e haere atu vau mai te au i to oe hinaaro. Ua afai mai au i te Evanelia a Iesu Mesia, e te tiavaru atu nei oe ia'u ma te tumu ore. Ia ora na oe."

Ua mauui roa to'u aau e aita'tu e faaitoito, i haere noa ra vau na te purumu e ua poia e te rohirohi roa e aita vau i tapae i te hoê fare. Ia ahiahi i tapae au i te hoê fare e ua faaite atu vau i to'u tere, e e orometua vau e ua poia roa. Ua mauruuru ratou e faaineine te tahi maa no'u. Paia ihora vau e ua haere atura. Ia pô ua tae au i te hoê oire iti e ua ani au i te fare haapiiraa e tia ia'u ia a'o i te evanelia i taua pô ra aita râ i noaa no te mea ua atea te fare o te taata na'na te parau no taua fare ra.


Ua ani au i te mau taata e farii mai ia'u no taua pô ra aita roa ra ratou e farii mai ia'u. Ua haere â vau e aita e taata e farii mai ia'u no taua pô e i te hopea ua rave au i to'u pute buka ei turua no'u ei ua taoto vau i nia i te matie i te pae purumu. No te rahi o te mau naonao aita i nehenehe ia taoto maitai e ua puru roa vau i te hupe. Ua tama'i au i te mau naonao e ao noa'tu e ia poipoi roa ua ara vau e ia hi'o vau i to'u huru, i te ahu puru e te repo roa ua parau atu vau ia'u iho e "E haerea atâ teie no te hoê tavini a te Atua." Ua pahonohia i ta'u parau i te hoê re'o maru maitai o tei na ôe, "Ua parauhia e haere oe i te oire ra i Rockford." Ou'a

ihora vau i nia e aita roa te hoê taata i iteahia. Te huru ia ua puta roa to'u aau i taua parau, e ua ite au ua hape roa vau e ua pii hua'tu vau e "Oia mau, ua parauhia vau e haere i te oire Rockford e ia tia i te Fatu e haere au i reira i teie nei."


I reira ua papu roa ia'u i te tumu aore au i farii-maitaihia i taua mau mahana ra. Aita roa te Fatu i faaineine i te e'a i mua ia'u. Ua haere atu vau i te hoê pape i fatata mai, horoï ihora to'u mata e ua ho'i i muri na te purumu i haere mai ai au.

Ua mauruuru vau i roohia'i au i taua ati ra no te mea ua haamauhia i roto i to'u aau i te haapiiraa maitai hau ê. Ahiri i haapiihia mai te Tamaiti a te Atua na roto i to'na ra mau pohe, eaha e ore ai tatou o tei hau i paruparu ia'na.

— O —



Te Pahi manuâ Apî, Amerika, o "Utaha."



Te aivi ra Tumora, no reira mai te mau Apī Auro i te
roaaraa mai ia Iosepha Samita.



Te uru raau, i reira Iosepha Samita i te paraparau i te
melahi.

Te Bibilia e te Mau Parau i Heheuhia Mai i te i au Hopea Nei.

[I'uatiraa]

Ta'na uiraa mamahu ia o tei faaite mai e, ua tatarahapa oia, e te faaroo te tumu i na reira'i oia; no to'na haapaoraa i te faaueraa ta te Fatu i horoa mai ia'na, ei pahonoraa i ta'na uiraa ra.

Na teie nei parau i nia nei i faaite papu mai e, o te mau ture matamua o te evanelia o te faaroo ia e te tatarahapa, e te baptizoraa e te horoaraa i te Varua Maitai. E mai te au i te parau a Petero, Ohipa 10:34, 35, e farii te Atua i te mau nunaa atoa, o tei rave i te parautia ra. Eaha e ore ai te Atua e farii i te mau nunaa tahito no Amerika, o tei papai ta ratou parau tuatapapa i roto i te Buka a Moromona?

Na te feruri tia e faaite mai e, e farii noâ te Atua i taua mau nunaa tuiroo ra, e e tia noa ia tatou ia mana'o e, e horoa'tu te Atua te Evanelia ia ratou ra, mai Ta'na i horoa mai i te Ati Iuda, e hoê â ia Ta'na ravea i te horoa mai, oia hoi, na roto i to'na mau tavini ra, i te mau peropheta (Amosa 3:7) Na te Buka a Moromona i faaite papu mai e, ua na reira maira te Atua ia ratou ra.

E teie nei e hi'o tatou i te tahi mau parau rii no roto mai i te Buka a Moromona, ei reira e ite ai tatou e, e au anei te Evanelia ta te mau peropheta tahito i Amerika, i haapii i ta Paulo, e ta Petero ma i haapii mai.

Teie te parau i papaihia i roto i te II Nephi 29:7 (e ua au maitai te reira i te parau a Petero) "Aita outou i ite e, e rave rahi te mau nunaa, e ere i te hoê ana'e? Aita outou i ite e, i hamani au, o te Fatu to outou Atua, i te taata atoa, e ua haamana'o hoi au i tei nia i te mau fenua moana ra; e te faatere nei au i roto i te mau ra'i i nia ra, e i roto hoi i te ao i raro nei, e te faatupu noa nei â i ta'u parau i te tamarii a te taata nei; oia ia, i te mau fenua o te ao atoa nei?"

Tera atoa mai te tahi atu parau evanelia ta taua peropheta i haapii atu i to'na taetaeae, e pae hanere matahiti i mua i te fanauraa o Iesu Mesia; "E tae mai oia i te ao nei ia ora te taata atoa ia'na, ia haapao ratou i to'na ra re'o; inaha hoi, ua faaoromai oia i te mauui o te taata atoa, oia ia, te mauui o te mau taata atoa, te mau tane atoa, e te mau vahine atoa, e te mau tamarii atoa hoi, i roto i te fetii o Adamu ra.

Ua faaoromai oia i te reira, ia tae te tia-faahou-raa i nia i te taata atoa, ia tia ratou atoa i mua i to'na ra aro i te mahana rahi o te haavaraa ra.

E ua faaue mai hoi oia ia tatarahapa te mau taata atoa e tia'i, e ia baptizohia i roto i to'na ra i'oa, ma te faaroo papu i Tei Mo'a i Iseraela nei, e ia ore ratou ia na reira, e ore ratou e ora i te basileia o te Atua." II Nephi 9, 21, 22, 23.

E mea maitai ia taio-atoa-hia Alama 4:4, 5 e III Nephi 12:1-3 e 19:20-23.

E teie nei ua ite tatou e, hoê â ia te Evanelia ta te mau Apotetolo i Amerika i a'o atu, mai te papaihia i roto i te Buka a Moromona, i ta Paulo e Petero ma i a'o atu i Ierusalema e te mau oire i Asia, mai te papaihia i roto i te Bibilia.

Teie râ, mai te au i te parau, ta te mau peropheta i faaite mai ua taiva to te ao i te Evanelia mau, e ua faaruri-hia, te Evanelia e te mau orometua haavare o tei haapii atu no te ario, e ua tupu i te o'e i nia iho i te fenua nei e ere i te o'e no te hiaai maa e te hiaai pape, no te faaroo râ i te parau a Iehova; atira ia, i tera huru mana'o peapea, no te mea hoi e, mai te au i to te mau peropheta ra ua faatia-faahou-hia e te Atua i Ta'na Ekalesia mau i teie nei tau hopea nei. Ua tae mai taua Melahi ra no te ra'i mai, mai ta Ioane i ite i te maueraa na ropu i te reva mai te hopoi mai i te Evanelia i to te ao nei. Eaha te huru no te mau

ture tumu, no taua Ekalesia mau ra? Teie ia maori râ te ture tumu ta Iesu e te mau peropheta i haapii mai i te matamua, oia hoi, "Te matamua ra, o te faaroo ia i te tatou Fatu ia Iesu Mesia; te piti ra, te tatarahapa ia, te toru ra, te Bapetizoraa ia i raro i te pape ia matara te hara; te maha ra, te tuuraa rima ia no te horoaraa'tu i te Varua Maitai." Hiroa, Faaroo, Irava 4. E mai te parau ta te Atua i horoa mai i teie mau mahana hopea nei, mai te papaihia i roto i te Buka Fafau, a hi'o tatou te tahi tau irava rii. Parau Heheu i hooroahia mai ia Iosepha Semita, no Olive Taudere raua o Davida Vihitimera, i te avae Tiunu, i te matahiti 1829.

"E mea tia hoi ia a'o atu orua i to te ao nei, i te na ô raa'tu e, ia tatarahapa outou e ia bapetizahia i te i'oa o Iesu Mesia e tia'i (2) Ia tatarahapa hoi te taata atoa e ia bapetizahia e tia'i; eiaha te tane ana'e o te mau vahine râ, e te mau tamarii atoa hoi, o tei tae i te matahiti e tia'i, ia ratou ia feruri. B. F. U. Pene 18:41, 42.

Parau Heheu i hooroahia mai na roto Iosepha, peropheta, i te avae Setepa i te matahiti 1832. "E no reira mai Ta'u i parau atu i Ta'u mau aposetolo ra, e parau-faahou-atu Vau ia outou na e, o te faaroo i ta outou parau, e e bapetizohia i raro i te pape ia matara te hara, e roaa'i ia te Varua Maitai B. F. U. 84:64.

Te na ô maira te taioraa te irava 6 no te Pene 4. "A mana'o i te faroo, te maitai, te ite, te mamahu, te faaoromai, te marû, te paiete, te aroha, te haehaa e te tamau maite ra."

E haamana'o i te Parau a Paulo:—"Ia a'o atu te hoê i te evanelia i aoutou, maori râ i te a'ohia'tu e matou ia outou na, ia riro ia oia ei anatema," Aita o Paulo i faaite mai e, aita e a'ohia atu teie evanelia faahou, e aita oia i faaite mai e, aita e a'ohia teie evanelia ia vetahi ê; teie râ ta'na e parau mai aita e a'o atu e evanelia ê, oia hoi, te evanelia ta ratou i a'o maira. E ia parau mai te mau taata a "Te Ekalesia a

Iesu Mesia i Fei a Mo'a i te mau Mahana Hopea nei," e, te evanelia ta ratou i tiaturi nei, o te evanelia ia ta Paulo ma i a'o atu i to ratou anotau, e te mana o te Atua, ia ora te feia atoa i faaroo ra, e parau mau roa ta ratou.

E mai te parau a te aposetolo, "Tei te vaha o na ite toopiti e tootoru ra e riro ai te mau parau atoa ei parau mau" E e na ite e piti te Buka a Moromona e te Buka Fafau i te faaiteraa e o te Ekalesia nei, o te Ekalesia mau ia a te Atua.

PAPAIHIA E IRA HAERA.

—o—

TE MAU PARAU API

I te 13 no Mati.

Ua tuuhia i nia i te nuu Baretane e faatere te ohipa tama'i i te tooa o te ra i Farane e te haere noa nei ratou i mau. Ua tamata te Purutia i te roaa faahou i Neuve Chapelle tei riro atu i te 11 no Mati, aita roa ra ratou i manuia.

—o—

1 te 13 no Mati.

Ua faatomohia te hoê pahi apî tama'i no te Paretane. I paruru noa ra taua pahi ma te tia i te haereraa mai i te enemi e aita hoi i iteahia te hoê pahi hopu o te Purutia i te haereraa mai. Ua pupuhia no raro mai e ua tomo roa. E vau taata toroa e e 18 faehau ana'e tai ora mai. E roaa paha e 200 taata i pohe.

—o—

E mau aito mau te mau te mau faehau e te mau matero e parahi i nia i te pahi manua Farani o Boevet o tei i nia i te hoê topito i o i te Dardanells i te 18 no Mati, e ua tomo roa. A paremo ai taua pahi ra ua tia noa te mau faehau i nia i te tahua o te pahi e ua pii hua roa ratou e, "VIVE LA FRANCE." Aita rea no ratou i ora mai.

Ua pohe o "Dresden," oia hoi ua iteahia te pahi manuâ tei horo atu e i ora i na avae a'enei a pohe ai te na pahi te pupuhi atu i Papeete oia hoi o Scharnhorst e o Gneisenau. Ua iteahia taua pahi ra i fatata i Chili e te tahi pahi Baretane e aita i maoro ua tomo. Ua parauhia râ na te Tomana iho i faatomo ia'na ia ora to'na ra mau taata; e 19 taata ana'e i pohe.

I te 18 no Mati.

Ua tomo te mau nuu o te Rutia i roto i Arminia e ua roaa ia ratou i te hoê oire i tahatai i te Miti Ereere. Ua parauhia ua horo pupara atu te faehau Turekia i mua i te nuu o te Rutia.

I te 20 no Mati.

Te tamata noa nei te mau pahi o te Farane e te Baretane e haavî i te mau pare no Turekia i te Dardanelles e tia ia ratou e tomo na taua miti ra e tae atu ai i Constantinople. Ua ineine noa te mau pahi o te Rutia e tauturu ia ratou, tei rato râ ratou i roto i te Miti Ereere e aita i nehenehe ia haere mai i rapae au ia vî Constantinople e te mau pare i pihai iho i te Dardanelles.

I teie nei mahana ua tae mai te parau ua tomo roa e toru pahi o te Baretane e te Farani i roto i te Dardanelles. O Irresistible e o Ocean na pahi Baretane e o Bouvet no te Farane tei tomo. Ua û ratou i nia i te tahi mau topito i tutauphia i roto i te Dardanelles. E hoê ahuru manuâ tei tomo i roto i taua miti ra e ua puta pinepine ratou e te mau pupuhi o te Turekia aita râ i ino roa ratou. Ua haapeepée te Baretane e te Farane i te tono atu i te tahi mau pahi ei mono i tei tomo roa e tei ino. E mea papu e manuïa te Farane e te Baretane i teie ohipa e aita i maoro e mou roa te mau pare o te Turekia e e vî te oire rahi ra o Constantinople.

No te maa ore no te mau puaa maohi i Purutia ua hopoihia'tu i Belegiama e hoê milioni puaa ia faaamuhia e to Belegiama. Ua operehia taua mau puaa na te mau utuafare. Ia poria maitai na te Purutia e rave faahou.

—o—

Lonedona i te 22 no Mati.

Upootia ihora te nuu o te Rutia i teie nei mahana. Mai te haamataraa mai o te tama'i ua tamata noa te mau nuu o Rutia e haavî i to te pare o Przemysl i te tufaa fenua Galcia i Auturia e i teie nei mahana hoi ua manuïa ratou. I te matamua i parahi e 60,000 faehau Auturia i roto i taua pare, e rave rahi râ i pohe. E taime maoro a'enei ua haaatihia taua pare ra i te hoê nuu rahi Rutia e roaa e 120,000 faehau e ua tamau â ratou i te aro atu i te faehau Auturia e parahi i roto i te Pare. Pau ihora te paura e te ofai o te Auturia e aita e ravea toe. Ua fatata pau te maa o to te pare e ahiri aita i tauturuhia ratou i te maa rii i hopoihia mai ia ratou e te mau pahi reva ua pohe ê na ratou. E 6000 faehau i riro ei tītī. E teie nei e haamata taua nuu rahi Rutia i te haavî to te pare rahi i Cracow.

—o—

I te 26 no Mati.

Ua roohia te hoe pahi hopu Amerika, o "F-4" to'na i'oa, i te ati ino roa. Ua parahi taua pahi ra i Hanolulu i Oyaihii, e ua hopu ona i raro e aita hoi i ho'i mai i nia. Te imi nei e rave rahi te pahi ia'na e aita a i iteahia. E toru ahuru etaeta te vahi ta'na i hopu ra. E 24 taata i roto i taua pahi ra.

Toae a Maere, Faaau Parau,
Rue Dumont d'Urville, Orovini, Papeete, Tahiti.

Frank J. Fullmer, Imprimeur,
2532 Seventh East Street, Salt Lake City, Uta, U. S. A.